

現代生活藝術系列

華嚴經疏論纂要 62

——十地品之三

華藏淨宗學會印贈

大方廣佛華嚴經疏論纂要卷第六十二

五臺山清涼國師澄觀疏鈔

太原方山長者李通玄論

閩鼓山私淑比丘道需纂要

十地品第二十六

之三

○自下大文第三安住地分中三。初總明安住。二所謂下。別顯安住。三佛子菩薩以成就下。總結安住。今初

佛子。此菩薩以大悲爲首。廣大志樂。無能沮壞。轉更勤修一切善根。而得成就。

疏文有三句。一大悲爲首是安住因。菩薩所行。皆爲衆生。悲爲行本。故言爲首。二廣大志樂無能沮壞。是安住觀。論云。煩惱小乘。不能壞此觀。故謂契理。淡心爲太。故煩惱不能壞。悲化兼物爲廣。故小乘不能壞也。三轉更勤修一切善根而得成就。是安住行。此望初句。是智導悲。望第二句。是行填願。此所修善。卽下三十句顯示。

○第二別顯安住。卽顯前第三勤修善根。云何勤修。此有三十句。顯三種成就。一信心成就。二修行成就。三迴向成就。信爲行始。次依信起行。後

廻行成德。以爲行修次第。今初信心十句。

所謂信增上故。多淨信故。解清淨故。信決定故。發生悲愍故。成就大慈故。心無疲懈故。慙愧莊嚴故。成就柔和故。敬順尊重諸佛教法故。

疏初總。餘別。總云信增上者。隨所有事。謂下所列諦寶等境。深信決定。名爲增上。別中有九。初六始起信心。後三信增成欲。前中初二自利。後四利他。自利中一敬信增上。謂徧信三寶名多淨信。二淨信增上。自證眞淨智解故。上二皆云清淨。是信之性。三決定信增上。分別令他證淨智故。卽利他之

行。四悲。五慈。六無疲厭。此三增上皆利他心。慈悲
明心大。無厭明心常。後三中。七慚愧信增上。是所
成行體。謂有慚愧故。治慳等蔽。不著世間。成檀等
度故。八柔和信增上。是得等侶。於同法者。不惱亂
故。九敬法信增上。於所入法。益敬信故。鈔慚愧者。論云。樂修
何等行。波羅密行故。以崇重賢善為慚。故成檀等
諸度。輕拒暴惡為愧。故治於慳等諸蔽。輕拒暴惡
即不著世間。無惡有善。故曰莊嚴。故遺教經云。以
慚愧服而自莊嚴。是得等侶。亦即行緣。論云。僧為
等侶。同事安樂。敬法者。即行所依。論云。入
何法中。謂諸佛教。則亦行所詣。是所入故。

○第二修行成就中九句

日夜修習善根無厭足故。親近善知識故。常愛樂法

故求多聞無厭足故。如所聞法正觀察故。心無依著故。不耽著利養名聞恭敬故。不求一切資生之物故。生如寶心無厭足故。

〔疏〕初總餘別。總云無厭足者。卽無間修。別有八集。前七教行。後一證行。前中初二攝法方便。一親近集。近善友。意在不忘諸法故。二樂法集。於問答中論義解釋。心喜樂故。後五句。次第修行。於中前三內觀順理之行。一多聞集。斯卽聞慧。二正觀集。卽是思慧。三不著集。卽是修慧。於三昧中。無依著故。後二隨緣離著行。謂六不貪集。是知足行。已得不

貪故。七不求集。是少欲行。未得不求故。八如寶心
 集。卽證行圓明。常現前故。又難得。無垢。勢力莊嚴。
 殊勝不改。證心同此。具六義故。上依論釋竟。難得
下。舉世寶六義。顯正法六義。其第六七集更有一理。謂第六心
 是遠離修。修對治心離三過故。諸說法者。有三種
 過。一著利養求四事故。少欲知足。則能治之。二取
 名聞。爲勝他故。正念定慧。則能治之。三謂他屬過
 愛敬事故。遠離精進。則能治之。此中能治。卽大人
 覺。其第七句。是觀過修八種不淨。是謂資生一切
 不求。見不淨故。言八覺者。一少欲。二知足。三寂靜。四精進。五正意。卽正念是。六正定。

七正慧。八無戲論。八種不淨者。一畜田宅。一種植
根栽。二貯聚穀粟。居店求利。四畜奴婢人民。五畜
眷屬羣畜。六畜金銀財寶。七畜象牙金銀
刻鏤諸寶大牀。綿褥氈氍。八畜銅鐵釜鏞。

○第三迴向成就。謂求一切智。是迴向菩提有十

二句

求一切智地故。求如來力無畏不共佛法故。求諸波
羅蜜助道法故。離諸諂誑故。如說能行故。常護實語
故。不汙如來家故。不捨菩薩戒故。生一切智心如山
王不動故。不捨一切世間事成就出世間道故。集助
菩提分法無厭足故。常求上上殊勝道故。

〔疏〕初總餘別。總卽所求之事。名之爲家。一切智地

是求處故。鈔從一切智地是求處者。以別卽能求經釋論爲家之言。處卽家故。別卽能求之因。有十一求。初一顯能求之觀。名爲依家。於前家中。分別觀察。具足十力無畏等故。餘十能求之行。并總都有三求。於求行中。又分總別。總名無障求。謂求諸度無著法故。能除蔽障。下九句別。別治諸障故。初二對治檀中二垢。一者離求。治於諂曲。見乞求者。詐現方便。一向無心與故。二如說能行求。治不隨先言。許而不與。或許多勝。與少劣故。又前是諂。後則是妄。三者護求。治戒一垢。謂不護實語。違本所受。犯已覆藏故。四不汙求。治忍一垢。謂

惱亂他業。是汗如來利益家故。五不捨求。治進一垢。謂菩薩戒法無量。不可具持。劫數長遠。不可常持。戒法精妙。難持難行。不可善持。生退轉心。今不捨菩薩戒。具能持之。不捨律儀。故能持難持。不捨三聚。能行難行也。進策萬行。而偏就戒辨者。有三義故。一戒爲三學之首故。二戒具三聚故。三戒通事理難行易敗故。寄以策之。戒法無量者。戒有三聚。二千威儀。八萬細行。故劫數長遠者。一受不捨。至成佛故。戒法精妙者。防於心地。起心動念。卽殺犯律儀。論於止作。故說爲持。三聚進善利生。故云行也。後進策下。釋通妨難。難行易敗者。不同定慧證法之樂。堅固難失。

六不動求。治禪二垢。一者亂心外攀。如山治之。二

者不能調伏憶想分別。一切智心治之。下之三句。治般若三垢。卽三道障。謂七不捨成就求。治障不住道垢。謂無善巧方便。一向涅槃。現不捨世間治之一。向世間。現成就出世治之。異於凡小。成不住道。八者集求。治障助道垢。九者常求求。治障證道垢。於上勝妙證法之中。願欲心薄故。

○第三總結

佛子。菩薩成就如是淨治地法。名爲安住菩薩歡喜地。

〔疏〕總結者。上三十句。廣勤行具足成就。此勤行有

四。一信。二欲。三精進。四方便。信謂忍受決定。欲謂希求趣彼行。故初十句中。前七是信。後三是欲。次十是精進。對行造修。後十是方便。行成巧求。故名此地說分中安住。故云成就。如是淨治地法。名為安住。上依論辨。更有別理。上多淨信。已能永斷。聞提不信障。發生悲愍。尊重教法等。亦能永斷。凡夫著我障。日夜勤修。無有疲倦。又能永斷。聲聞畏苦障。求一切智。乃至常求上上勝道。亦能永斷。緣覺捨悲心障。故云淨治地法。第三安在地分竟。

○大文第四校量勝分。謂住此地中。勝二乘故。論

主旣云。住此地中勝者。明知願等。初住地分已
有。但文不累安。故居安住之後。非是地滿。方有
願也。問。經云。初發已爲天人師。勝出聲聞及緣
覺。故沙彌發心。羅漢推敬。如何至此。方辨勝耶。
然其勝義。乃有衆多。統而收之。不出三種。謂願
行。智。此三歷位。故有衆多。畧明十位。一初發心
勝。通於一切凡夫。如沙彌等。此通三心。二信勝。
亦通三心。三解勝。四行勝。五願勝。此三卽三賢
別歷三心。六證入勝。齊證三心。雙證二空。是爲
智勝。起十大願。卽是願勝。備修諸行。卽是行勝。

下辨果勝。亦三心果。此中行智。由願導故。所以最勝。依行布說。七地已上。智方自勝。故下經云。從初地來。彼悉超過。但以願求諸佛法故。非是自智觀察之力。今此七地。自智力故。一切二乘所不能及。論王立願爲拔量勝。憑此明文。雖歷諸地。戒定道品等。地地超勝。亦不出三心故。七從第七地去。名權實自智勝。八無功起行勝。九上等諸佛勝。十究竟勝。所謂諸佛三心果滿。問

經云。下先問。引涅槃三十八迦葉菩薩讚佛云。憐愍世間大醫王。身及智慧俱寂靜。無我法中有真我。是故敬禮無上尊。發心罪竟。二不別。如是二心先心難。自未得度先度他。是故我禮初

發心初發已爲天人師。勝出聲聞及緣覺。如是發心過三界。是故得名爲最上。故沙彌發心者。卽智論文。昔有羅漢領一沙彌。攜持衣鉢。沙彌忽發大菩提心。羅漢心知。便取衣鉢。令其前行。前行之次。見諸細蟲。思衆生多。難可化度。便退大心。羅漢卽令卻持衣鉢。令在後行。沙彌問師。師具答云。汝發大心。卽是羅漢所歸敬處。故推於前。汝後旣退菩提之心。故是凡夫不合居我聖人之前。如何。今此正明願行勝也。文分爲三。一願勝。謂標志遐廣。二修行勝。依願造修。三果利益勝。卽位行成就。今初二義。故勝二乘。一常勤修習無量行故。二與一切衆生同行故。同行卽是十無盡句。釋此願勝。先以五門分別。一名體。二修證。三行位。四因果。五立意圓融。五各二義。

則有十門。初中先名後體。名中先總後別。總云願者。是希求義。故下論云。發諸大願者。隨心求義。故而言大者。下論云。光明善根轉勝增廣。故謂教證二光。與行願善根轉勝地前。廣彌法界。故十願中。皆云廣大如法界也。後顯別名。瑜伽三十五。及諸攝論。皆有明文。竝如下文。當願自釋。今且依梁論畧列。一供養願。二受持願。三轉法輪願。四修行二利願。五成熟衆生願。六承事願。七淨土願。八不離願。九利益願。十成正覺願。後體性者。剋性。卽以欲勝解信三爲自性。若取

所依悲智相導。卽後得智以爲願體。若并眷屬
一一皆以一切俱行功德爲性故。論云。光明善
根者。光明卽後得智。善根卽信等及行。二修證
者。先約修行。初七修始。次二修熟。後一修成得
果。後約證者。地前已發。今此十願齊證。三行位
者。先約於行。十皆二利。故論云。校量勝有二。一
行無量行卽是自利。二與衆生同卽是利他。後
約位者。通則十皆初地所得。別則一得地校量
勝。初地至九地。二得菩薩地盡校量勝。卽第十
地。三得一切地盡究竟故。卽如來地四約因果

者。若就言顯。前九求因。後一求果。若約具攝。七亦求果。是依果故。十是正果。餘皆是因。五立意圓融者。先立意。所以但說十者。已攝二嚴。二利因果。行位無不周故。又爲表此無盡願故。故下文云。一皆攝阿僧祇願。而爲眷屬。言圓融者。以稱性故。二願之中。具一切願。卽入重重。如常所辨。六相圓融。正在此文。已知大意。次正釋文。文分爲二。初正顯十願。彰自勤行。後明十盡句。與衆生共。今初分四。一總標。二所謂下。別列。三佛子菩薩。任歡喜地下。總結。四以此十願門爲首。

下。明攝眷屬。今初。

佛子。菩薩住此歡喜地。能成就。如是大誓願。如是大勇猛。如是大作用。

〔疏〕初句明成願之位。是歡喜地。次能成就下。正明總願。能成就言。該下三句。一始起要期。云如是大誓願。隨心求義故。二方便起行。云如是大勇猛。謂成彼一一願中所作方便。皆勇猛故。三願遂行成。云如是大作用。謂如供佛願。便能供故。餘例此知。論云。菩薩住此地。漸次久習。起此三行。非一時故。是知此願。亦卽是行。稱願行故。非如凡夫。空有要。

期。是以總言能成就也。以總該別。十願皆有此三。
○二別列中。十願不同。卽爲十段。一一願中。文各
有四。皆初四字。總標起願。次顯願行相。三廣大
下。彰願德能。四一切劫數下。明願分齊。今初供
養願

所謂生廣大清淨決定解。以一切供養之具。恭敬供
養一切諸佛。令無有餘。廣大如法界。究竟如虛空。盡
未來際。一切劫數。無有休息。

疏準論。願供養勝田。師及法王。此則通供。經從勝
故。但云供佛。文中關於總標。以近前總如是大願。

故。二。三。兩。段。各。有。三。義。通。成。六。大。顯。初。供。養。大。願。之。義。今。初。行。相。之。中。三。大。義。者。一。心。大。卽。經。生。廣。大。清。淨。決。定。解。謂。增。上。敬。重。淡。稱。佛。境。故。云。廣。大。廻。向。菩。提。決。定。信。故。名。清。淨。決。定。解。清。淨。解。言。信。因。果。故。此。上。論。意。局。在。初。願。若。以。義。求。通。於。九。願。皆。爲。菩。提。廣。大。無。限。無。疑。淨。信。而。起。願。故。二。以。一。切。供。養。之。具。卽。供。具。大。此。是。行。緣。三。恭。敬。下。福。田。大。於。中。令。無。有。餘。是。總。相。無。餘。有。三。一。一。切。佛。無。餘。卽。是。行。境。二。一。切。供。養。無。餘。三。一。切。恭。敬。無。餘。此。二。行。體。由。上。二。義。成。上。敬。田。上。三。皆。云。一。切。者。

佛卽三身。亦兼十身。供養有三。一衣等利養。二香
等敬養。三戒等行供養。恭敬亦三。一給侍恭敬。二
迎送恭敬。三修行恭敬。卽敬順佛故。上三各三。豎
論一切。若橫論一切。則佛該十方無盡等。餘二準
思。二廣大下。彰願德能。言三大者。一攝功德大。如
經廣大如法界。一切餘善根中勝故。二因大。卽究
竟如虛空無常變果無量因故。三時大。卽盡未來
際。此因得涅槃常果故。鈔一攝功德大者。此下三
大。卽是初地六決定中之
二。初一卽勝善決定。中義云。一切餘善根中勝故。
意取勝等。不取決定。二三卽因善決定。開之爲二。
三一切下。明願分齊。十願文同。所作各異。此應盡

未來際行供養故

○第二受持願。亦名護法願。瑜伽雙云。攝受防護願。

又發大願。願受一切佛法輪。願攝一切佛菩提。願護一切諸佛教。願持一切諸佛法。廣大如法界。究竟如虛空。盡未來際。一切劫數。無有休息。

〔疏〕行相之中。文有四句。皆通二利。然若約能受等說。受謂受領。攝謂攝屬。故勝鬘云。攝受正法。護謂防護。持卽任持。故勝鬘云。護持正法。若約所受。初教次果。三行。四理。而受等言。文雖各舉。義實互通。

亦初教。次證。三云護教。而判爲行者。論經云。一切諸佛所教化法。皆悉守護。論云。謂修行法。於修行時。有諸障難。攝護救濟故。卽攝護自行。救濟於他。上約始修願。名受攝等。若約終成。名四成就。故上總云。成就。如是大誓願也。一者法輪不斷成就。二者證智成就。三修行成就。四入理成就。

○第三轉法輪願。亦名攝法上首願。先攝後轉故。又發大願。願一切世界佛與千世。從兜率天宮沒入胎。住胎。初生。出家。成道。說法。示現涅槃。皆悉往詣親近供養。爲衆上首。受行正法。於一切處。一時而轉。廣

大如法界。究竟如虛空。盡未來際。一切劫數。無有休息。

〔疏〕行相中四。一轉法處。卽一切世界佛應處故。二

從兜率下。轉法時。謂現八相時。八相之義。離世間

品廣釋。鈔離世間者。今經具列彼各有十。然亦有

離俗爲出家。則亦具矣。須臾多佛。無生可化。則不

具轉法輪。留一化佛半劫化人。是則亦具。然論釋

一切處云。順衆生見故。下料揀。何故不處色無色

界。恐衆生云。此難處來。不爲成故。二何故不處他

化等。而生兜率。令衆生知捨彼勝樂。念衆生故。三

何故下生人中。於天樂爲愍我故。四何故處胎。

示現同生。增長力故。五何故自成正覺。示非餘佛

教化顯丈夫力成就。非因他得菩提故。六何故入

涅槃爲令懈怠衆生勤心修道故。此等畧舉示八

相中一義而已。下離世間。各具十義。故疏全攝。

三皆悉下。攝法方便。於中初集功德方便。後爲衆
上首下。集智慧方便。以此二種助菩提法。故云方
便。四於一切下。明轉法頓周。

○第四修行二利願。若約成益。名心增長論。從此
義。故先標云。第四大願。心得增長。以何等行。令
心增長。一切菩薩所行教化一切。令其受行。心
增長故。

又發大願。願一切菩薩行廣大無量。不壞不雜。攝諸
波羅蜜。淨治諸地。總相。別相。同相。異相。成相。壞相。所
有菩薩行。皆如實說。教化一切。令其受行。心得增長。

廣大如法界。究竟如虛空。盡未來際。一切劫數。無有休息。

〔疏〕文中亦四。第二行相中分二。初能增長行。後明所增長心。前中分四。一明行相。論名種種。二行體。三行業。四行方便。以此四種教化。令其受行。初行相者。世出世間。各有多異。故云種種。於中廣大無量。是世間行。意明俗智之行。廣從初地。乃至六地。大者七地。無量者八地已上。不壞不雜。是出世行。法無我平等觀。出世間智故。謂不雜世間有漏法故。不壞者。冥同真性故。二攝諸波羅密。卽是行體。

廣大等相。但辨此故。三淨治諸地。卽是行業。以十度行。淨十地蔽。助真如觀。淨十障。故四總相已下。明行方便。然有二種。一自行方便。謂以六相圓融。巧相集成。一具一切。仍不壞相。故名方便。六相之義。廣如別章。畧如前釋。二皆如實下。卽化他方便。不違實道。而化物故。二心得增長者。卽所增長心。化他受行。他心增長。化他成自。自心增長。

論又發大願已下。至無有休息。可四行半經。明菩薩廣大行。不離諸波羅密。淨治諸地。有總別同異。成壞等相。皆如實說。教化衆生。無有休息分。此一

段如五位升進。隨位安立十波羅密。十菩薩行。十世界。十佛名號。總是一波羅密中隨行成名。於五位中。具有五百。爲一波羅密中具十。十中具百。隨五位上。加行同異。上有五百。卽如初會中菩薩神天等衆。一衆有十。十衆有百。五十衆上。有五百。各各位中。隨當位菩薩神天名下義。是波羅密行。又善財四衆。各具五百者是。爲一中具足十義。名之爲總。其行殊途。名之爲別。一智無二。名之爲同。隨行報殊。名之爲異。能成別報。名之爲成。因果本虛。名之爲壞。爲行。行無體故。且如波羅密。一中有此。

六門。一能破慳貪等十煩惱結。名之爲壞。二能成善果。名之爲成。三衆惑雖多。捨通多法。名之爲總。四殊招別果。名之爲別。五終歸一智。名之爲同。六隨惑對治。名之爲異。此六相之法。於一切法中。總具此六門。一一入法行門中。以智觀之。可見。若一法中無此六義。皆偏見也。又一波羅密上。具十波羅密。卽捨義通該。無法不徧。餘準例知。

○第五成熟衆生願。成熟亦名教化。

又發大願。願一切衆生界。有色無色。有想無想。非有想非無想。卵生胎生濕生化生。三界所繫。入於六趣。

一切生處。名色所攝。如是等類。我皆教化。令入佛法。令永斷一切世間趣。令安住一切智智道。廣大如法界。究竟如虛空。盡未來際。一切劫數。無有休息。

〔疏〕就行相中。文分二別。初明所化衆生。後如是等下。彰化所爲。今初。初句爲總。有色下別。別有六種差別。一。麤細差別。此明報相。下二界有色爲麤。無色界爲細。於有色中有想。天爲麤。無想天爲細。就無色中。非有想爲細。謂第四空。非無想爲麤。謂下三天。此經文畧論。經云。非無想。非想。非非想。謂非無想。是麤。餘卽是細。鈔彰化所爲者。論云。何義。故化無想天爲細者。色界十八

天。唯除無相心。皆名有相心。無相心。天與廣果。天同處。外
道取爲究竟。竟涅槃。修無想定。生於彼天。得五百劫
無心果報。佛之二卵生下。生依止差別。謂報之所
弟子。不生彼中。二卵生下。生依止差別。謂報之所
依託故。餘三可依。化生依何。依業染生故。然四生
攝盡六趣。而通局有異。化生通六趣。胎生不通地
獄諸天。溼卵唯局人畜。又以六趣不攝中。有化生
故。寬隘有異。餘如別章。化生依何者。論但云。業生
依於因故。染字卽俱舍世
間品意。偈云。倒心趣欲境。溼化染香處。溼生染香
化生染處。然四生等者。亦俱舍意。彼偈云。人傍生
具四地獄。及諸天中。有唯化生。鬼通胎化二。今疏
說勢小別。義理皆同。人具四者。卵生。如毘舍佉夫
人。生三十二卵。卵各出一兒。般遮羅王有如生五
百卵。卵各一子。胎生如今人是。溼生如頂生王。從
頂胞而生。故化生唯劫初起。傍生具四。此類可知。
化生如龍。迹樓羅等。鬼通胎化二者。如餓鬼。白日

連言。我夜生五百子。隨生皆自食。晝生五百亦然。雖盡而無飽。卽胎生也。鬼化可知。無而忽有故。又以六趣等者。卽寬陬門。故雜心論云。爲生攝趣。爲趣攝生。論自釋云。謂生攝趣。非趣攝生。何者。中陰是其化生。三三界所繫。名淨不淨處差別。欲界不趣不攝故。三三界所繫。名淨不淨處差別。欲界不淨。上二界淨。就果以明。故名爲處。就因以說。故名爲繫。四入於六趣。是苦樂差別。受種種身故。亦名受生差別。麤相而說。三塗爲苦。上天爲樂。人及修羅兼於苦樂。五一切生處。是自業差別。此以因釋果。由業異故。生處不同。謂於一趣中。有多不同。如於人中。有中有邊。貴賤家異等故。六名色所攝。是自體差別。有體唯名。謂無色界。彼處有色。非業果。

故有體。唯色謂無想天。彼所有想。不可知故。有體具二。謂除前二。二化所爲中。初句結前生後。令入已下。別名所爲。所爲有三。一爲未信入者。令信入佛法。二已信入者。令其離惡。爲涅槃因。世間趣者。謂業惑苦。三令修菩提道。道通因果。

〔論〕又發大願已下。至無有休息。有五行半經。明順化一切三界四生衆生。皆安住一切智智廣大無休息分。此一段明教化三界四生法。欲界心多者。勸令觀諸法苦空無常。對治欲惡。修諸善法。樂清淨定淨治心垢。離貪瞋癡慢。破欲界業得寂靜樂。

色界心多者。任息想禪。生有漏善界。方便勸修十
波羅密。慈悲喜捨。令方便成就自體。無作大寂定
門。離息伏想。現一切智。成就無量巧方便智。教化
衆生。若無色界心多者。方便教化修廣多聞慧。分
別世間一切事業。令無迷滯。無定亂體。起大願力。
成就神通。供佛法僧。修一切種一切智智。教化一
切無盡衆生。皆成佛故。如是依根。發起調伏。使令
皆至一切智智。智智者。根本智中。修差別智也。如
根本智。依無作定顯差別智。依根本智加行起觀
方成。或自力不修。依佛菩薩先達之者。學而方得。

○第六承事願。願在諸佛土。常見諸佛。恆敬事聽受。故瑜伽云。願於一切世界中示現。意明化生。今經但云。知見者。知生佛在處。故。

又發大願。願一切世界。廣大無量。麤細。亂住。倒住。正住。若入。若行。若去。如帝網差別。十方無量種種不同。智皆明了。現前知見。廣大如法界。究竟如虛空。盡未來際。一切劫數。無有休息。

〔疏〕就修行相中分二。初明所知。後辨能知。前中初句爲總。廣大下別。別有三種相。一一切相。二真實義相。三無量相。今初界相不同。故云一切。於中又三。

初明分量。謂小中大千如次。爲廣大無量。二麤細者。明體質麤妙。謂應報等殊。三亂住下安立不同。亂則不依行伍。倒則覆利。正則仰利。若入。若行。若去。論無此文。文含二意。一成前安立。謂前三類世界。道路往來。二者順後。入卽攝他入已。去卽爲他所攝。行卽往來不住故。如帝網正踰於此。二如帝網差別。卽真實義相。土土同體。不守自性。互相涉入。如彼帝珠。故名真實。論云。如業幻作故者。轉以喻顯。如世幻者。火處見水。大處見小等。業所作土。亦同於幻。故得涉入。重重無盡。三十方下。無量相。

謂前二相周徧十方。又上說不盡。故結云無量。大菩薩藏經說。虛空中世界重數。多於大千所有微塵。但由業異。不相障礙。一處重重尙爾。况復橫周。第二智皆明了下。辨其能知。若真實義相。唯智能知。餘一切相。可現眼見。

論又發大願已下。至無有休息。有四行經。明願以智明了麤細世界。廣多無限分。有形世界名麤。無形世界名細。亂住者。多類雜居。如此閻浮提諸雜居世界是也。側住。如四天王居處是。倒住者。如胡蜂窠等是。正住可知。若入者。如土居衆生。只欲入。

不欲出。若行者。如人等身中。八萬四千戶。虫居。而人或行。住坐立者。是也。若去者。如流水。居衆生。其一向流去。是也。帝網差別者。如天帝網。重重光影。互相容也。如是世界。重重共住。卽華藏莊嚴世界。是與諸衆生世界。海共住。業不相妨。猶如帝網。互相容而住。各依自業相見。

○第七淨土願。願清淨自土。安立正法。及能修行衆生故。鉢願清淨下。疏文有三。初總顯立意。畧具三淨。攝於淨土。二清淨自土。卽是相淨。如第三淨。二安立正法。卽法門流布淨。如第七淨。二及修行衆生。卽住處衆生淨。如第五淨。顯斯二淨。卽淨土意。自他受用。及變化土。皆悉具矣。

又發大願。願一切國上人。一國土。二國上人。一切國土。無量佛土。普皆清淨。光明眾具。以爲莊嚴。離一切煩惱。成就清淨道。無量智慧眾。生充滿其中。普入廣大諸佛境界。隨眾。生心而爲示現。皆令歡喜。廣大如法界。究竟如虛空。盡未來際。一切劫數。無有休息。

〔疏〕於行相中。總有七淨。一同體淨。以同法性故。令一多互相卽入。二無量佛土。普皆清淨者。卽自在淨。如摩尼珠。美惡斯現。淨穢圓通。故云普皆清淨。三光明眾具。以爲莊嚴者。名莊嚴淨。卽相淨也。四離一切下。明受用淨。謂受用此土。離過成德。故初

句成斷德。後句成行德。如受用香飯。身諸惑滅。入正位等。五無量智慧下。住處衆生淨。謂具德人居。今畧語智慧。鈔謂具德人居者。亦名人寶莊嚴。亦同淨名。不諂衆生來生其國等。六替入下。因淨。淨因有二。一者生因。謂施戒等。如淨名說。二者依因。此復有二。一鏡智淨識爲土所依。二後智通慧爲依。如下第十地。入佛國土體性三昧。現淨土等。此二皆是諸佛境界。七隨衆生下。果淨。因既有二。果亦二種。一所生果。卽前相淨。二所示現果。卽臨機示現。今依此義。上七淨中。前四當相明。上。次一就人顯勝。後二舉因顯果。就前四中。

初二土體第三土相。後一土用。就土體中。初彰體司。後明體淨。故有七淨。淨土義周。

○第八不離願。願於一切生處。恆不離佛菩薩得同意行故。亦名心行願。願不離一乘故。故論云。

第八大願。不念餘乘故。

又發大願。願與一切菩薩同一志行。無有怨嫉。集諸善根。一切菩薩平等一緣。常共集會。不相捨離。隨意能現種種佛身。任其自心。能知一切如來境界。威力智慧。得不退如意神通。遊行一切世界。現形一切衆會。普入一切生處。成就不思議大乘。修菩薩行。廣大

如法界。究竟如虛空。盡未來際。一切劫數。無有休息。

〔疏〕行相中有十二句。初總。後結。中十別。明菩薩行。今初同志一乘。同修萬行。故次無有怨嫉。下別於中前五修行同。後五德用同。前中初二。自分二嚴。一福善同集。二智觀齊均。後常共下三句。勝進於中。初一攝法方便。謂聚集解說。論佛法故。後二依法起行。初一利他。故隨意現身也。後一自利。謂忘緣照境。不由他教。云任自心。智契法身。名知佛境界。威力外用。智慧內明。則兼報化分齊境也。初一福善同集。二智觀齊均。一如故。同三諦故。後五德用中。一者善根是福。無有怨嫉。卽心同相。後五德用中。一

明通體。如意所成。無能退屈。餘四通業。於中前三如意通業。一本身往餘世界。二現多異身於一切佛會。三示同類生。名一切生處。後一法智通業。三修菩薩行一句。總結上十。

○第九利益願。願於一切時。恆作利益衆生事。無有空過故。亦名三業不空。瑜伽云。願所有一切無倒加行。皆不唐捐。

又發大願。願乘不退輪行。菩薩行。身語意業。悉不唐捐。若暫見者。則必定佛法。暫聞音聲。則得實智慧。纔生淨信。則永斷煩惱。得如大藥王樹身。得如如意寶。

身修行一切菩薩行。廣人如法界。究竟如虛空。盡未來際。一切劫數無有休息。

〔疏〕行相中二。先總明謂乘念不退圓滿教輪。三業皆益。又三業皆不唐捐。卽是不退。摧障圓德。所以名輪。後若暫下。別顯有二不空。一作業必定不空。三業能安樂故。謂見身行行。知佛法真實。故云必定。聞口說法。能生智慧。念意實德。諸惑不生。此從增勝。故說三業成益不同。實則互有。二得如大藥下。利益不空。二喻皆喻拔苦故。一切衆生有二種苦。一種種諸苦。謂逼迫等。藥樹王身以爲能治。二

貧窮苦。如意寶身以爲能拔種種義兼身心。若麤若細。貧窮通於世財法財。論主對前安樂。此爲利益。故作此釋。實則前喻。喻三業捨惡離苦。後喻。喻三業進善得樂也。鈔種種苦者。藥王樹。枝葉花果。各除病故。

○第十成正覺願。願與一切衆生同時得無上菩提。恆作佛事故。文四同前。而論總顯願相。云第十大願。起大乘行者。是果乘故。雖得佛道。不捨菩薩利益。名起大行故。

又發大願。願於一切世界成阿耨多羅三藐三菩提。不離一毛端處。於一切毛端處皆悉示現。初生出家。

詣道場。成正覺。轉法輪。入涅槃。得佛境界。大智慧。力於念念中。隨一切衆生心。示現成佛。令得寂滅。以一二菩提。知一切法界。卽涅槃相。以一音說法。令一切衆生心皆歡喜。示入大涅槃。而不斷菩薩行。示大智慧地。安立一切法。以法智通。神足通。幻通。自在變化。充滿一切法界。廣大如法界。究竟如虛空。盡未來際。一切劫數。無有休息。

〔疏〕就行相中。分爲二別。初成菩提體。卽自運已圓。後不離下。菩提作業。卽運他不息。今初菩提。亦是總相。一切世界。卽得菩提處。謂徧於十方。同類異。

類一切諸刹。真則稱性。應則隨機。故無不在。後菩
提作業中。有七種業。一從不離至入涅槃。是示正
覺業。一切毛端。是成佛處。上來平漫徧於十方。云
一切世界。今明徧法界中。一一毛端。極小量處。皆
於其中。八相成道。以彼皆有可化衆生故。故離貴
間品云。於一毛端量處。有多衆生。况於法界。然後
不離一毛端處。而於一切毛端處。示現。則不動而
徧。一多自在。二得佛境界下。說實諦業。謂說四真
諦。令悟實故。初明能說。謂智慧力。力兼二義。謂神
通力。論經具之。此二力用。唯是佛境。後顯力用。以

神通力。念念成佛。以智慧力。隨樂爲說。令得寂滅。是說之益。謂能斷集修道。則得苦滅。證於滅理。三以一三菩提下。證教化業。以一極無二之菩提。契差別之性。淨涅槃。則不復更滅。說此證法。今物生信。名教化業。鈔則不復更滅者。暗引淨名彌勒章中證成上義。故彼經云。一切衆生卽滅。在義可知。四以一音下。種種說法業。一音稱機故。五示入下。不斷佛種業。涅槃常住。動寂無二。雙林應盡。增物戀情。故云示入。旣非永滅。常作佛事。故佛種不斷。此亦得果不捨因也。六示大智下。明法輪復住業。大智慧地。唯一事實。卽是佛智能。

生萬物。終歸於此。故名爲地。示物同歸。而智慧門。隨機萬差。名安立一切。前卽涅槃能建大事。此卽於一佛乘分別說三。七以法智下。自在業。於中初顯自在所依。所謂三通。法智通者。觀一切法無性相故。神足通者。自身現生任滅修短。隨心自在。故幻通者。轉變外事。無不隨意。此後二通。但內外爲異。由法智通見理捨相故。不住世間。由後二通。有自在事用故。不住涅槃。成無住道。又依智論說。有四通。前三同前。四以聖自在種種變化通。謂十八變三輪化等。取此則自在下。當第四通。上來別

顯十願竟

○第三總結十願。不異前標

佛子。菩薩住歡喜地。發如是大誓願。如是大勇猛。如是
是大作用

○第四明攝眷屬

以此十願門爲首。滿足百萬阿僧祇大願

〔疏〕若觀經文。似此十之類。有於百萬等。依論釋云。
此十大願。一一願中。有百千萬阿僧祇大願。以爲
眷屬。則此十願。攝無不盡。如成正覺。則攝藥師十
二上願。如淨土願。則攝彌陀四十八願等。故此經

他經所有諸願。不出此十。非唯攝願。亦攝一切菩提分法。如第七地辨。上明十願彰自勤行竟。

○第二以十盡句與衆生共。謂前十願。皆爲衆生。由十無盡。成前大願。皆無盡也。文分爲二。初總標舉。後徵以別顯。今初。

佛子。此大願以十盡句而得成就。

〔疏〕晉經名爲不可盡法。下釋亦云。皆不可盡。今言十盡句者。窮彼無盡。皆無有餘。故名爲盡。斯則盡無盡之衆生等也。故下論云。盡者。示現不斷盡。非念念盡。由此故。令前之十願。得大願名。故云此大。

誓願而得成就。鈔故下論云。盡者。示現不斷。盡者。不斷。是無盡。統攝無盡之法。令無有餘名。爲盡耳。

○二徵顯

何等爲十。所謂衆生界盡。世界盡。虛空界盡。法界盡。涅槃界盡。佛出現界盡。如來智界盡。心所緣界盡。佛智所入境界界盡。世間轉法轉智轉界盡。若衆生界盡。我願乃盡。若世界乃至世間轉法轉智轉界盡。我願乃盡。而衆生界不可盡。乃至世間轉法轉智轉界不可盡。故我此大願善根。無有窮盡。

疏徵顯中。先顯上十盡。後若衆生界下。顯前大願。

成就。今初先徵後顯。顯中十句。初句爲總。十願皆是爲衆生故。餘九句別。別皆集成度衆生義故。一衆生於何處住。所謂世界故。二世界依何。謂盡虛空界故。三說何法化。謂法界故。四隨所化生安置何處。謂涅槃故。五涅槃何用。謂佛出現故。六以何方便巧化。如來智故。七此智何知。謂知心所緣故。八此心所緣。令隨何境。謂佛智所入境故。卽是真性。後三轉盡。畧攝前九。義含總別。云何攝九。謂世間轉。攝前衆生界世界虛空界。其法轉。攝前法界涅槃界佛出現界。其智轉者。攝前如來智下三界。

而言轉者。世法及智辰轉攝前無窮盡故。轉亦是無盡義耳。第二顯大願成就中。先反顯後而衆生界下。順明無盡。所以十願同此十者。前之十願。不出此十盡句增上力故。諸佛以此力。常爲衆生作利益事。我願同然。上來願校量竟。第一願勝竟。

○第二修行勝。卽行校量。有十種行。就文分三。初明行所依心。二成淨信下顯所成行相。三佛子菩薩如是下。結十名體。今初。

佛子。菩薩發如是大願已。則得利益心。柔軟心。隨順心。寂靜心。調伏心。寂滅心。謙下心。潤澤心。不動心。不

濁心

〔疏〕由先大願熏心故。則得利益等十心。爲起行依。於後十行。起作自在。然有二意。一以十心通爲十行之依。隨釋易了。二以十心別對十行。以治十障。文皆次第。唯信行最初。而不濁居末者。以與釋文相接故也。一利益心者。利益拔苦。卽是悲心所依。治損害障。能成悲行。二與樂柔輒。卽是慈心。治瞋恚癡強障。三隨順所求。卽是施心。治於身命財生顧戀障。四寂靜無求。方能求而無厭故。是無疲厭心。治希求報恩。貪著利養。不寂靜障。五三學調伏。

是知經論心。以經詮於定。論詮於慧。經兼於律。復是調伏。治無善巧。求加行障。有則調伏故。六雖行世間。妄惑不生。故云寂滅。是解世法心。以治性不柔和。不於他心隨順而轉。不寂滅障。七高崇賢善。拒惡不增。故名謙下。是慚愧心。治於放逸之高舉障。八能修出離。以法潤澤。卽堅固莊嚴。治於種種猛利無間。無斷生灰大苦生怯弱障。九能如說行。故心不動。卽供養佛行。治於大師所猶豫疑惑障。十不濁心。卽第一信行。信以心淨爲性。離不信濁故。此治全未發心。全未受持菩薩學處障。由治十

障故。經名淨治地法。地法通於教證。此所治障。具如瑜伽四十九說。

○第二別顯所成十種行相。一信行。二悲。三慈。四施。五無疲厭。六知經論。七了世法。八慚愧莊嚴。九堅固力。十供養佛。十行分九。慈悲合故。今初信行。

成淨信者。有信功用。

〔疏〕分二。一攝德成人。

能信如來本行所入。

〔疏〕二正顯信相。有十一句。文分三別。初句總信因。

果。次九別明因果。後一結畧顯廣。今初。如來是果。本行是因。所入通因果。因果皆有證入義故。

信成就諸波羅蜜。信入諸勝地。信成就力。信具足無所畏。信生長不可壞。不共佛法。信不思議佛法。信出生無中邊佛境界。信隨入如來無量境界。信成就果。

疏二別明因果中。前二句因。初句行體。後句行能。餘七是果。句雖有七。攝爲五勝。合初三故。并結有六。五皆佛德。故名爲勝。五中前四智德。後一斷德。智中一對治勝。卽寄對顯勝。謂十力降魔無畏制外。不共過小。故云對治。而經云不壞者爲對二乘。

非究竟故。次三當相顯勝。一卽不思議神通力上勝。所現絕圖度故。二不雜染勝。謂證真生智。無中邊雜。是佛之境故。以卽邊而中。故無有邊。二邊旣無。中云何有。四一切種智勝。證真了俗。故云隨入無量差別。是種智境。五離勝。一切煩惱習常遠離。故經但云果。而論判爲斷德。以前四皆果。今復云果。明是果果。故當涅槃。

舉要言之。信一切菩薩行。乃至如來智地說力故。

〔疏〕三舉畧顯廣。故總信一切因果。智地是證。說卽是教。力通上二。或謂威力。亦是三輪化益。鈔亦是三輪化

益者。智地。意業。說卽口
業。力卽身業。身威力故。

福城尼一瑞性純性震太旨隆淑隆美
隆定性髻道津照覺隆曇何紀使郭近
官洪進官王照淑鄭心覺同刻
華嚴經十地品疏論纂要第六十二卷
伏願衆等植菩提種資人天福
康熙二十二年九月 日 華藏室謹題

大方廣佛華嚴經疏論纂要卷第六十二